

愛日吟廬書畫別錄

愛日吟廬書畫別錄卷二

平湖葛金煩景亮父鑒藏 第三子嗣彬續纂

明名人尺牘彙冊

紙本

凡二十四幀

高低闊狹不等

王守仁行書一通

余與惟乾自武陵抵廬陵舟中興到時亦有所述但不求

工耳惟乾行聊書此

無款

內籤題曰王文成公陽明先生手書

陳祖訓行楷一通

旅邸得骨肉之歡喜溢尋常之外愧貧吏羞澁不能為情
是用抱歉無以自寧耳 珍貺腆而且多頓令貧兒暴富
卻之方 命□□損福奈何容 面□□以 謝隆情也
別 諭敬當再畱鄙裏已吐之來使矣 魯直老姪即會

元 愚林祖訓頌首謝

許令典行書一通

明日同守僧早來議脩山門事聞有阻之者何為 鄺史

典和南 迴岍上人

朱泰禎行楷一通

武林郊外林壑清深 台臺卜相其閒標新領異當為地
靈一開生面聞之躍然奉 凡之心飄然在法華之巖矣
茅齋小築辱 祝璇題羊真孔草連以右軍神骨當世世
寶之豈徒輝生四壁而已謝何可言謝何可言移家擬在
季春望日當掃除蒿徑浣滌塵腸以奉 大教也手勒布
謝諸不能悉 泰禎再稽首 左慈

收傳印記騫

朱文圖印

墨陽小隱

朱白文方印

曹勳行書一通

日前得接 手教併荷 雅賜欣慰之餘愧汗交下不盡
手復已悉之 七年侄口中想能道其鄙懷也更辱 台
示心極念之具艸一札致趙雍老年兄命七年姪一遊未
必能淋漓滿志或不致載月空歸耳至于徐敬老年兄靈
弟欲遣 小兒 一往當于札中併及之也秘傳之惠伯為知
已之贈以廣 台賜何如不盡依馳伏惟 台焰 弟名
另肅 冲 通家眷弟曹勳頓首拜 印一 曹勳印 白文方印
查繼佐行書二通

辱 惓惓弟即欲作一寬心書想今不能也亦可為草草

之極千文已草半比以多冗已之完日行寄 上 始老

弟 繼佐頓首

承 教為弟舅青於作好甚妙或恐吾 雪妹未然耳況
彼欲景從者久又可為一助唯吾 兄宛轉若得俞允然
浚直言何日歸東示之 志老仁兄大人 弟繼佐頓首
王橫行書一通

承 許海市詩千祈 即惠刻本一看即奉 趙不敢后

功弟橫頓首 天游世兄盟壇 冲 印 一人不如故文白

印 方 引首 江南一愚直人 朱文長 方印

收傳印記光曾 朱文長 方印

萬泰行楷一通

愚父子世受 翁恩無病不醫無藥不效二天之戴其何以報日者小兒不揣私瀆 道翁復不以無饜之干為咎賜之良劑今已小愈矣伏祈再 發一二帖天霽一併面叩并進藥值端此 御老道翁大人 小弟泰頓首

朱一是行書三通

亢暑非常賤體多病 孔兄之變未遑撫棺深為抱歉辱諭甚是佳事但目前正在乏時無力及此三件未得寓目家人知弟之窘不携至梅里也藉手附 趙搃容 晤謝 獻虞道兄大人一體 弟一是頓首

旋壽叙尚未作因將作冗褻不暇及也容遲遲報 命 舉旭尊堂壽詞并 鯤濤一札幸即致去 雍成寒食想

歸晤不作字矣 一是頓首 昌鶴覽悉

昨媒去為罪 今虎信領到萬里書札正不易得殊可喜
也午後更容過西圖 晤以悉未盡 斯老世兄 弟一
是頓首

許令瑜行書一通

□□□□快事只租稅無出吏呼愈怒婢李嬌春盡出愁
色耳弟久矣不入城聞問殊絕不識我 年翁近況何似
前 年翁面語弟以澱山遠隔不便意欲脫去為快今有
一友問及不識 年翁之意果否特此馳 詢其價若何
此係柴山又不便樵採恐高價未能耳乞 示尊旨以便
復之不一 魯直老年翁大人 年眷弟令瑜頓首

吳維英行書一通

所托可否佇候 示下立候 回音 弟維英初頓首

叔度長兄先生

鄭元綬行楷一通

睽別以來數易寒暑每憶 光範恒切神馳 弟愧疎庸不

早見機以致月深日積仔肩重負茲幸蒙 恩矜宥限以

在外一年清理仰視 老寅翁脫屣功名鴻飛鵠引不啻

真人天際也前歲重荷 垂注千里慰問闕切之誼尤令

人銘之心版茲者坐困舊邦生計蕭然擬于來春托鉢邇

江聊為旅食之謀聞運使李釐憲係 老寅翁蘭譜相知

便中祈 發一帋函致彼震曲為嚔拂非敢望其潤涸第

臨邛之客必須藉重於令君耳自必不吝 齒芬壯我行
色其為叨 蔭多多矣冒昧干請想 知己能鑒之於格
外也茲因 朱西老公車之便附此申候 興居臨風馳
溯可勝依戀 弟名丹勛 年家眷寅弟鄭元綬拜
許全可行書一通

家辛舛以漕米然眉苦無以應望濟于吾 舛并祈一轉
聞于 子霖舛其來札奉 上明日有長安運米之船恐
失此便故皇皇耳 功服表姪全可頓首 眉翁四表舛
大人

陳確行楷四通

足稍遲迴又患微雨飯後當過晤談以踐昨約然亦欲即

西不須費

清厨也

弟

確頓首

眉老道兄

道體比日清勝何如 尊堂牀母康吉益何如前奉懷一
詩感愴數日茲者諸友有葬社之役欲吾兄為主盟啟
到望一指揮即轉送欲爾山中可也餘俟晤悉 眉老道
兄 期弟確謹白

不惜多病之軀奔馳酷暑中受子之誼使人感惻杭事行
止若何弟非敢憚此行以得書中二三紳作一公書覆之
更覺泯然無迹耳未審尊旨若何更與有識熟商其便
可也百惟為親自愛餘晤更悉 期社弟陳確頓首
眉老四兄至愛

尊體已全復未明日

二陶代庖望

駕早過濟美堂倘

道體不耐暑亦不必強惟意所適可也會金幸即付以
便彙交稍陰或當面候耳 不孝弟確稽首 眉老道兄
查士標行書一通

可喜此間經過不得一晤恨恨晤間望

道意

標

仍欲以

畫易字未知可否前承對句時時靜玩如對高人穆翁似
當讓一籌矣篆隸之刻曾竣事否便閒一問示之 仲臨

兄醫室字即書納甚不足觀也二帑聽裁用之所浼畫冊
仍未能贖王君今年絕無音問今不知作何狀便閒勞移
玉一探之欲作一束寄彼刻不暇若令价雨不即發或附
之浼致也月內必着

小价

來省一看省中未了之務或勉

措贖冊之資携上一切仍藉

鼎力也蓋趙壑老雖於弟

不薄聞其事冗不好瑣瑣揔不若 左右為關切耳人近
日自楚來者傳安靜無事不識將來若何也一時計 台
駕不過此相見何時臨帟依依 趙老道長兄最知己

三月十一日弟士標頓首

印一

集

朱文方印

查旦行楷一道

烈暑不能奔走雖欲造 玄亭畏熱而止天傭子弟欲錄

數首故未獲遂壁耳蘇文全集未曾裝訂諸家所評者亦

可看 弟意不必務多取其尤者讀之而已以 兄之異才

穎質當駕天如駿公而上之奚此之足論讀書準則 弟當

求指於 尊大人反問之 弟令 弟將何以應可愧可愧錫

民兄同此致 明阿吾兄大人即我 東坡文十本奉

上 弟旦拜上

附

李日華行楷敘文二首

陸味道盧龍遊草叙 余越二十二年再至京師邸舍在
象房西兩槐蔭門蕭然清寂每街鼓動則鈎俠聲鎗然騰
踏濶武甚益人壯思余亦藉以為趨朝之節曰思象龐然
大物深山中何所不自恣一入國門俛仰起伏唯人意指
吾輩既列表著自有常度安得不自整束案頭諸散帙稗
語悉屏去易置朝章仕藉用為檢押獨風雅之趣耽溺已
深時一往來於懷不能盡滌也一日友人陸味道以盧龍
遊草一編見示回環諷詠真味溢出大都神骨秀峙標采

鮮令以一時感知酬遇觸物攬懷茲端嗣響悉出左右之
逢無煩前却之索而清音婉節妙協黍度中有舊新創獲
之句悠然天風之韻流鈴斷非祭魚刻鵠者所能希也味
道露桃華緒春柳英年西清片席地旦夕揚裾錯趾其間
吟壘所湏幸多置王岑高賈玉珂銀燭諸篇以資其典麗
華偉之氣是亦余所謂整束趨時之所必不容已者若余
詩思雖躍然顧老馬殘其即有滄溟波濤之聲祇入江湖
之夢而已他日得遂初服作脫鈎之象尚當研窮此道俟
味道應制集行而余為跋後附姓名焉可也味道許我乎
同里姻家老友李日華識

印二

李日華印

白文迴

君實

朱文
方印

收傳印記陸鑿味道氏子子孫孫永寶用印

朱文長方印

戴光曾印

白文迴文方印

審定秘玩圖書

朱文方印

劍光閣珍藏

印

朱文方印

查遺行楷敘文一首

送韜荒泛姪北游序 士君子立身行道出處其大端

也其事異其趨同也顏子之與禹稷其地異其人同也昔之君子處非徒處必有彌淪天地涵括民物之資其出非徒出必有介然自持卷焉自得之貞故當其幽居褻璞釣耕而食子隅以遊若漠漠無與于世及與經猷邦國庶司百職之守五方品彙之宜惟兩舉措不啻任心而使臂當其乘時得位明良相孚羣生係望若鷺于功名而不可反

及與歸憇田里優游講誦杖策不殊車馬藜藿不劣鼎食
居不厭乎茅茨門不嫌于羅雀恬于止足而不知解組之
悴若是乎君子有顯有晦有義有命有遇有不遇而無異
致焉者所操之本同也其異在遷染之過而非其本也今
夫卜隨嚴光所謂處非處也公卿將相韓彭衛霍所謂出
非出也溺于出處焉耳出處之不相岐猶其有寒暑明晦
也就日而求長思麗乎寒而却乎暑得乎蓋不可齊者時
也可期者君子立身之本故凡能伏而不能見知進而不
知退舉失其本者矣余本處者樂饑累數十年匪殞越是
懼嘗以瀕于僻陋不得接賢豪奇傑不達古今事理民生
方土利病為患樊英就辟公車劉表之刺荊州卒以名不

稱寔為世誚訕此吾所大患也今者屬子行矣匡濟固所
自有行而得志豐功偉績之餘勲名之震炫榮寵之優渥
聲勢利祿之在前美好悅諛之在側足以侈意志極耳目
者何可勝數一不持而隙且中之故顯榮之際賢聖之所
懼也管子霸佐其言猶曰願君無忘射鈎臣無忘纍囚此
豈以功烈弛志者哉且今何時乎非有大本于中寧能謝
妻子去父母墳墓所處以與時爭尺寸之勢乎子嘗脩于
家摯于孝友撫據敵章勤心當世積有本焉又嘗游楚游
黔滇游粵皆滿籛以歸至即傾筐略盡不易儒素于以徵
子之不改其常度也明甚既以信子之出則予之處亦猶
是矣

同學遺具稿

印一

查遺之印

白文
方印

按王守仁字伯安餘姚人弘治十二年己未進士官
南兵部尚書封新建伯贈侯爵諡文成崇祀又廟
著有五經臆說四十六卷大學古文旁釋一卷備邊
八策一卷朱子晚年定論一卷陽明文旁釋二十四卷
文成公全書三十卷居夷集三卷寓廣遺稿二卷陽
明先生文集十一卷陳祖訓字孝常海甯人萬歷二
十二年甲午舉人官南兵部員外郎著有清塵集計
令典字稚則海甯人萬歷三十五年丁未進士官淮
安知府會中璫出鎮卽引疾歸隱居黃山東圯西圯
之閒自號兩圯外臣著有乾元觀志風水鍼二卷梁
谿政略一卷金牛隨筆四卷紀游錄食史一卷年譜
一卷許淮陽集八卷歸來吟一卷朱泰禎字道子海
鹽人萬歷四十四年丙辰進士官漳浦知縣擢御史
巡按雲南著有禮記意評公穀二傳疏證遠人樓詩
集五卷曹勳字允大嘉善人崇禎元年戊辰會元官
禮部侍郎著有易說三卷存笥行笈未有居東干諸
集查繼佐字伊璜海甯人闢敬脩堂於杭之鐵冶嶺
著書其中學者稱敬脩先生崇禎六年癸酉舉人官
兵部主事甲申以後或大書率用檀或隱姓名為左
尹著有五經說四書說通鑑嚴入卷衆惟錄一百二
十卷國書錄四冊南語北語敬脩堂說外敬脩堂同
學出處偶記敬脩堂弟子目錄一卷豫游記獨指直

瑩詩可敬脩堂詩集十七卷粵游雜詠一卷因吳六
奇事蔣士銓為製雪中人傳奇王漢字元倬上元人
崇禎九年丙子舉人孝友能文章親老不仕賦南陔
詩以見志人稱南陔先生著有南陔集萬泰字履安
鄞人斯大斯同之父崇禎九年丙子舉人著有寒松
齋集續騷堂集朱一是字近脩海甯人崇禎十五年
壬午舉人國變後避地嘉興之梅里著有為可堂詩
集十六卷文集四十卷梅里詞三卷許令瑜字鍾叔
海鹽人崇禎十六年癸未進士官仙遊知縣擢吏科
給事中鼎革後隱遁不出著有孝經釋義一卷韻史
一卷孤臣述一卷容庵存稿三卷吳維英字國華仁
和人原籍蒙古由始祖允誠賜姓襲恭順侯爵著有
墨響齋集鄭元綬字口口仁和人監生官廬州經歷
時張獻忠反與通判趙興基同殉節見明史忠義傳
許全可字欲爾海甯人令典孫諸生著有明代諸臣
言行錄淮陽先生遺事陰行錄一冊宗乘誌餘錄三
卷悔齋家傳梅齋獨行記陳確字乾初海甯人劉宗
周弟子諸生明亡靜修山中足不入城市者二十年
著有大學辨四卷葬書四卷叢桂堂家約一卷俗誤
辨一卷先世遺事記略一卷山陰語鈔辰夏雜言一
卷講義二卷齋言四卷山中約一卷女訓一卷補新
婦譜一卷戲山先生語錄乾初道人詩集十二卷文

集十八卷別集十九卷查士標字二瞻休甯人居揚
州諸生著有種書堂遺稿查旦字孟耀海甯人崇禎
甲申拔貢會鼎革放浪山水間或歌或哭自號海上
迂人著有大學闕疑附陳確大學辨後始讀軒詩文
集五十卷○又按李日華字君實嘉興人萬曆二十
年壬辰進士官太僕寺少卿書畫博雅與董文敏齊
名著有大學心詮一卷聖召錄一卷摘要十五卷官制備考
二卷禮白嶽記一卷聖召錄一卷摘要十五卷官制備考
譜纂七卷檣李叢談若干卷倭變志一卷六研齋筆
記十二卷紫桃軒雜錄六卷雅笑錄十二卷味水軒
日記若干卷畫牋一卷續畫牋一卷墨君題語一卷
書畫想像錄四十卷恬致堂集四十卷四六類編十
六卷查遺原名松繼字柱青更字逸遠海甯人
慎行之父海鹽諸生著有澄清堂集學圃堂集
清名人尺牘彙裝上冊

紙本
不等

凡三十六幀

高低闊狹

錢謙益行書一通

來銀領到即令來价并小价同去付與 楊明甫收之會
事已與 明甫言之悉矣今蚤又有字送去也 人參係

拋浮之極俱不可揀勉強取出三四枝亦陋極也

若云價只好三

換之外多不過三五六也

不名

印一

東澗

朱文長方印

龔鼎孳行書二通

佳詩霞發泉湧用兵多且精老盟翁之謂矣廬公祖

爰不知台意當作何相囑承謝便宜即面訂之也

如弟鼎冲

右角有吳思亭題曰合肥龔尙書與仁和卓火傳手

札真蹟

思亭審定

印一

修印

白文長方印

昨日之議何如頃坐浣翁齋中欲一握手惟即過為

望明阿社兄弟鼎再拜巨源携同過此更囑

曹溶行楷三通

疇昔之夜食酒談讌懽可繼也弟旦夕走嵩高之墟凌河
流而南與塵棘覲仰瞻 昆下亦復羈旅抱愁四顧少儔
匹則此聚首之日能勿寸陰用惜哉 陵老磊落人老不
刺刺章句効流俗之所為者幸邀之與來將竟一日之樂
矣 泮度社兄 弟溶頓首

試士之時滿望 老母舅同 表弟入郡相望不果悵快
而已 甥溶自愛閒居已營老圃忽驚徵檄復走塵途冒暑

北行絕非得已七夕之後即擬登舟 老母舅肯於月初
來一晤則否 敬仲妹丈貧悴可念 甥又治行蕭索無能

為情聞 買父母頗好客或有一二細事可從彼丐恩轉
贈 敬仲者幸 急留意不則走一空函致之囑其青盼

第恐無實用耳諸望展對以罄 愚甥溶頓首上 大母

舅大人前

印一 曹溶之印

白文方印

太原今手俯仰十七八年而 老年翁猶縮銅墨之綬想

見 恬於持已切於寧人絕不以淹留介意民物飲 慈

庶之福者謳頌溢海南矣 靜治餘風必多嘯咏 翁山

藥亭諸子足備扶輪

弟

乃以相距之遠翹首送懷未嘗

不追憶舊遊愴恍自失也粵 兩中丞均屬深知

小兒過

之或有蟲鳥之響不可不令就正 大雅息肩之次或

念其車殆馬煩力為區處則 故人之厚非

弟

所敢請也

臨楮企切 賤名單具 慎餘 恭候 台禧 年家眷

弟曹溶拜

手啟

印一

曹溶之印

朱文方印

周亮工行楷一通

客春一別兩易星霜溯想之私時形夢寐適

大兒

到粵知

老姪興居迪吉福祉繁臻可勝遙慰

愚

自年來半生拓

落萬里孤征茲雖薄綰通符僅了得生平之願虛名虛利
若云居官自待則曾未也薄芹三星附候伏冀 咲入是
禱 愚表亮工拜寄

印一

周亮工印

白文週文方印

令郎

令

妹丈合宅都安并問

文侯兄晤次并希

致候

張學曾行書一通

仁兄即過一譚

世翁亦欲見

仁兄甚幸即命駕立候

立候

小弟學曾頓首

牀度先生

魏象樞楷書一通

紫氣西來慶瞻 芝宇不期榜人飛渡有失負弩不獲親

道範聆 緒論何相慕殷而相遇難也近緣小兒在省

捕衙巡查境內獲賊二名見贓物纍纍方共議通報適有

蔡正述者識認贓物詢係 素老宗翁治民俱屬憲案正

犯有稽定限選差解赴役旋捧接 老年兄瑤孔隨面諭

捕衙仍轉囑城守盧年翁悉遵 台命決不敢攘功而開

罪於 宗翁也伏祈轉達便鴻布 覆臨穎神注 弟名

正肅 左冲

內籤題曰魏象樞蔚州人順治己丑進士江西參議官刑部尙書

沈荃行書一通

別後又圖晤僅遲 歸旌片刻耳新春良會當復不遠近

聞 朝廷有加恩士子之意紛紛傳說未知果否 尊公

省還必得確耗唯 詳示之外小物四種申意 姪女幸

致候 靜夫先生閣下

弟制荃稽首

笄重光行楷一通

弟以樺材獲叨社末時与敝邑諸子屈指 雅望欲執卷

侍 教之日久矣以 盟翁高調整爾和稀如弟輩碌碌

者益深愧恥不揣拙墨冀附 尊評倘蒙 過愛□□□

全錄則幸甚幸甚粗筴一握湖筆一床聊申鄙悵統容面

謝不勝瞻切之至 右啓 □翁老社伯文席 弟光

再頓首

印一重光之印

白文方印

查培繼行楷一通

濶別三年時深懷想 人能老弟來知吾 并近社日勝

為慰姪 衰年小草長作勞人近回代篆益復口疇手荅心力俱疲承吾 牀遠餉參枝解我消渴拜飲 明德覺齒頰有餘芬矣感謝感謝至于拙宦生涯絕無善狀衙齋蕭冷不異山僧此 人能弟所目覩歸能細述無俟縷陳來歲決計歸田與吾 牀續香山洛社之勝當亦不遠耳外具荒金十二兩以佐 櫛盤一箸幸 賜哂存 人能弟匆匆簡去冰抱不安率此謝 復不盡神馳 次老并致意容嗣報也并及 姪培繼頓首 冲 同翁老牀大人劉體仁行楷一通

魯南豐集呈 覽林脩姪壻詩附 正其才甚可教也今日復食少服藥不能走陪明日當晤此啓 武魯先生

弟體仁頓首

嚴沆行書一通

明日甲寅不知今日有暇 進城否敬請 示不一 弟

沆頓首

汪琬行楷一通

客春把臂 玄亭殊慰濶緒今又初夏矣想 年兄近履
佳適恨無縮地之術得時時晤對耳茲啓肅堂道兄與弟
總角交胸羅經史又夙有道根近已受木老人密囑今將
往金粟探本師道經吳門思欲得諸檀信助其瓢衲特囑
第一札相致乞 年兄留神說項凡有可為道地者幸不
吝 齒岑俾之即日就道為五岳之遊感不止 肅兄也

元次率緘不殫欲吐 弟名則具 慎餘

秦松齡行楷一通

壽箋用記璧 上英宗實錄 倚江借去未還 取到奉

覽兩朝人物既經 年兄查出 暇閒過舍今開至妙

復 弟松齡頓首 冲

王士禎行楷一通

昨接讀扇頭 咏如考金石獨推獎過情轉滋愧

耳 謝次韻得一章奉酬欲書扇請 教以卷素不可

虛返輒藉以取 正日 幸 勿哂其牽率也

為 武老道兄 弟士禎頓首

王士禎行楷二通

湖北佐貳一疏何時上耶其遲呈發往之人想旦夕當定
廣老 玉老二公更仗 門翁鼎囑由神勿致偶有遺
錯為感其湖南閩中二疏果有方面正印等官否全抄久
當到部統望 示之 期弟心名

石林建康集返 璧照入之專懇者西城別墅唱和集未
刺竣而梓工必欲回南度歲欲求 老先生八分書一封
面先令目下刻出希即 命筆刺樣一紙附去照此式可
也容謝容謝撫言足本如得即 付來感甚感甚 俞邵
之信似非無稽奈何 唐濟老云尚欲得一回字祈旦暮
發下并及 封面祈書 西城別墅倡和集

八分

竹垞書

竹垞老先生 功弟士禎頓首

王士祿士禎行書合一通

適 升老□□呈 覽何日移寓呈 訊不一 弟

祿全

頓首 冲

彭璫行書一通

弟到京已五十日尚未及專候 盟兄然所欲詳者屢在
石疇札中想朝夕能具述也吳門氣類欣逢 宗主歸而
振之必然改觀况 研德兄親許時過葑上為慎交招携
懷遠務以文德相化彼紛紛者當從此息爭矣弟在此與
韓倬歡然無間有詢及前事異同者弟引咎謝之為言今
已渙然冰釋將來為同志索荐牘亦當與韓倬商並存其
勝如此而犹木化則亦付之不校而已諒 盟兄愛之自

有妙道弟不必贅斐上玉峰諸同志曩為社事勞苦已甚
幸始終加厚之勿稍失其歡心但端社觀社諸子仍非與
慎交敵彼自敵本邑之為慎交者耳能兼收并宏之為妙
至如起韓諸子近與修敬輩為難人咸不直之然弟念向
年亦復依依聲援今雖悻悻終當保全如向者之全原竹
乃見吾党厚道耳萬勿遂棄置之陳點以兄全稿屬弟作
一序郵致吳門得吾 兄友 石疇輩共弁而梓之奈連
日竟不暇作今先以其稿帶歸俟弟興至當握筆另寄否
則求吾 兄代為弟一言梓之因點老相屬甚殷勤也渠
病甚不能應館選而仍投咨未知能勉應否此書至日吳
門已聞館選消息矣陳稿竟令吾輩三四人出名評選何

如雍□事幾為熊靈堂所敗幸王鐵山及諸大老爭之甚
彊直今聞已定司成考校不上干閣部矣若旦晚文宗摠
文至則弟便可一考□歸否則握手尚未有期怀想 良
朋遠絕羈旅本無深交此情殊難告人也茲因覈實使者
歸附奏一二不盡 弟瓏頓首 既老盟長兄大人 七
月初九日

彭孫通行書一通

兩月未得圖晤昨偶小出遂尔失迓 準老昨來見過又
未及一面然聞其日来頗有閉門謝客之態得之最確恐
此說將成画餅奈何明日過西便道再當一叩如又不相
值只得遵 命作一懇切字致之以索其回信大約是虛

局矣不妨預為之他計也 教缺尚未查到并復 百老

長兄大人師事 功弟孫通頓首

印一 延露主人

朱文方印

周斯盛行楷一通

晨起擬今日走候飯畢忽然頭痛骨酸似乎舊疾復作旅況之不堪如此不能出門如何如何正在僵卧適 程穆

老見過強起與之言知近日科票一事大難 子老十分

煩惱然

盛

以久客空囊急欲東歸偶有五人不過二十餘

金一字祈

先生轉達知

先生亦在難處時但數人似

猶可斡旋必望

特為轉囑即如拜

台賜矣遲日晤別

以謝不盡

小札呈

閱

晚盛頓首

宋犖行書一通

前弟以俗事匆匆過蕪城未得坐 高齋為半日清話迄
今耿耿昨月終返朝天宮又以途中冒暑諸病交加此時
展轉床褥閒苦不可言即我 盟翁之前竟艱一晤撫躬
自愧想能 恕我於形迹之外也忽承 寵召甚合鄙意
但午刻有 馮秋老世翁之筵擬扶病赴彼蓋自弟至南
中尚未相見不得已有此行耳若 老盟翁俯鑒下情使
弟稍一息養異日專往請罪何如遣力上 聞容當再申
外二絕呈上求 盟翁及 令弟盟翁作古竹圃詩其詳
已先托 聞公兄轉達之矣頭昏目痛字多草草統 宥
不宣 弟犇頓首

田雯行書一通

開差巡撫之事如何仍有別事否直宿該在何時并示

冊頁書完

賜下容謝

弟雯頓首

冲印一

亦政堂

朱文長
方印

李迴行楷一通

頃疎濶為甚今日雅集而

弟

恰是守晚直日出衙門之遲

早未可定也近復有

出獵之信未審何期

弟

一無所辦

奈何奈何程墨選印本不多已索得兩部尚役呈上餘

不盡

小弟迴頓首

曹貞吉行楷一通

公祭事昨商之

阮老阮老之意止出一兩或五錢耳然

只得聽之或我三人出全分子側年兄出半分折祭之數

再議覈減若何 許年兄靈已相聞否分金祈 即付以

便置办也此商 弟貞吉頓首

印一 珂雪 白文長方印

李鴻霏行書一通

被褥在秘書廳湏盛一廂櫃方妙今已買得一具青晨與
劉皂隸商議約於明晨面長安門等候携進 年兄明日
進直可催劉皂勿悞大約日出後小价即到長安門矣
弟霏頓首

王挾行楷一通

前具寸箋奉祝 □□想達 記曹茲有大喜之信急於

馳報者近因京堂缺員言路欲乘機內擢多方佈置業有
成緒忽奉 睿斷深念詞林壅滯令開列借補 弟 適當侍

直親聆 天語首及 大名且以 老先生文章翰墨向

政府極口褒揚并洞矚林宗前事之誣其次乃及 觀

諫 匪 薛四公弟此時謂 老先生即以卿貳擢用下

午知起復之 旨 老先生鴻材雅望久切 宸衷賜環

固屬意中之事但服闋幾月未有所聞方為日夕悵快驟

得 好音不覺忭躍即闔門婦孺無不合掌向天連呼萬

歲今惟望早為束裝騰底馳至從此一歲九遷 寵遇倍

隆使弟踽踽孤踪得所依藉叨 光何極且 老先生金

玉之品橫被含沙之射得 聖明昭鑒一朝灑洗異己者

聞之自必抱慙流汗此尤可為快心者也率泐奉 聞奉

賀匆匆不盡頌言 弟名正肅 謹冲十月十日 正

年家姻眷弟王揆頓首拜 手啓儀單

徐乾學行楷一通

昨承 老先生手教回連日宿署中有失裁復 所諭久當更正為數亦甚不多已銘悉矣敝同年事尚未上幸

一促之提塘一件搃惟 曲照不盡虔切 侍名另肅

敬冲

內籤題曰徐乾學原一崑山人康熙庚戌進士累官刑部尙書 印一吳氏兔牀書畫印

高層雲行楷一通

知己論心原不敢作長安俗套所訂共飲惟 左御先生

聞亦有別席來亦不甚早 長兄從容赴酌後即至敝寓

況月色正佳更可露坐盤桓弟且下榻以待也 同学弟

層雲頓首

引首 啟事 朱文長 印

朱彝尊行楷一通

廿三日何敬思南還寄有一信在亮功處度不浮沉也男
思歸甚切心緒不寧奈盤費毫無措處日內又要搬房新
寓係當官破屋須先得八十餘金脩理做一勞永逸之計
將來可兩年不出房租心力用盡不能更料理路費且俟
五月中遷寓之後即當結伴南歸男思家中百孔千瘡空
手回來恐 母親愈覺憂心況當事諸公書札急切中亦
不可得須徐圖之龔家一處幹不得事必多方打籌乃有
濟耳煥若琳在寓亦極力撙省 父親打發男歸 父親
近亦着緊矣家中窘迫已極近來想萬難支撐不得已再
寫一票求晉賢緩急約上尚不貳數已定四多少可與

十金

周老伯熟商然亦不可太多多則反不確矣又海寧監生
一項託王先生往促之近來各省開監生納銀考職之例
所費不過六十金若納同州不過竟納百六十金納州判
不過竟用百廿朱紫霞既不肯到監何如在本省納官之
妥有大部執照何必籀冊有名儻不到監納官又不還前
欠則無理矣大懸此時不來想不果行耶亮功亦不必進
京此地甚苦徒費往返也文宗慶可得武童一名望與錢
老伯細商寫書切不可失行欸須用大副啓錢老伯自知
之也 四月廿七日潛采堂平安家信

李良年行書一通

返舍五旬出門又屢屢詢 長兄深以此番失晤為悵接

教知 駕已旋不勝愉快也 弟馬齒之增自嗟荏苒兼
以尚在祥禪凡戚好記及皆敬謝而已 長兄垂注隆情
雖不敢等閒自外然終非棘人所宜濫承對使拜 璧心
銘無量矣刻下亟欲修 謝緣節前為墜器傷足至今猶
有跛態詰朝當力趨叩悉瀾驚也先此復 荇谿長兄先
生 制小弟良季頓首

王宏撰行書一通

佳作絕妙難以屬和 謝謝 周李二年翁在學山每日
供應不敢失可毋庸掛 懷 屈年翁到姿兩拜不晤奉
邀見辭想同行到姿方圖請教也時奉 撫憲有開河賑
飢之役冗中草復不脩 撰再頓首 左慎

吳兔牀題內籤曰王宏撰山史華陰人 此札爲山
舟梁太史所贈予細觀之疑非山史或是婁東王撰
耳撰字異公時敏第三子 無款 無印

高兆行楷一通

連白困俗累奔走道路 枉駕失迎爲罪楚帛檢出奉

用稍暇當圖悉種種 弟兆頓首 斯兄大人 文几

王羣行楷一通

憶癸卯歲浪跡毘陵于唐氏半園獲接 顏範逡巡分袂
倏隔五年每一相思寸心欲裂去夏天作之合忽邂逅于
維嶽齋中抵掌高談宿懷傾倒渭城歌闌之後寒□□□
□欲託尺書申意而魚雁阻絕北望□陵渺若星漢迴想

高風大德無時不在飲食夢寐之間也仲春一日忽得
手書存問纏綿婉至悅若面談所恨天各一方無以醕
長者之眷顧耳 櫟園□□□文宗匠風雅所歸僕

之嚮往已非一日誠古人所謂愛望慕悅而不得見者今
幸 老伯憑空獎借使賤子姓名得入大人先生之耳此
惠何極承 諭畫冊亟欲圖成奉寄奈金寶老馬首已東
不能少待且呈小技于大方之前又非可潦草率筆故遂
中止容盡意作一二幀覓便附來也字內名家贈遺篇什
無慮百千率皆詞掩其情獎踰其實行擬彙付剞工以增
寵耀若得 老伯一篇為之刳首全帙生光矣 輦 跼蹐一
隅窮年坐困 老伯輒迹半天下虞山衣帶水直指顧閒

耳何時 紫氣南來慰我草茆之士乎臨楮無任翹切之

至 如月二日王翬頓首

印一

王翬私印

朱文方印

□翁老

伯先生大人 左長 搜諸篋中得去冬舊製一小幅摹

趙魏公鵲華秋色圖也先以奉寄冊頁當續請正便中祈

道意致去

四日翬又拜

印一

王翬私印

朱文方印

徐真木行書二通

接 尊札舉家感謝不盡昨從郡城回以地濕明晨走

齋中也不次 小弟真木頓首 斯翁先生大人

筆結不得作楷書書舊詩奉 教所懇者為筆客沈明璣

也龍山一路全仗 大力且此公擇乎弟一人幸 留心

為感石印附到 小弟真木頓首 斯翁道兄先生前

按錢謙益字受之別署東澗老人常熟人萬曆三十八年庚戌探花官禮部尚書順治年官禮部侍郎著有開國羣雄事略十五卷北盟會編鈔三卷絳雲樓書目六卷金剛心經蒙鈔十四卷內典文藏四十冊杜詩箋二十卷列朝詩集八十一卷初學集一百卷有學集五十卷其志乘未采錄者以乾隆朝會奉例禁也龔鼎孳字孝升合肥籍臨川人崇禎七年甲戌進士官兵部主事康熙年官禮部尚書諡端毅著有稻香樓集定山堂集四十卷曹溶字潔躬秀水人崇禎十年丁丑進士官御史康熙已未薦鴻臚寺與試官戶部侍郎廣東布政使著有崇禎五十輔臣傳五卷續獻徵錄六十卷倦圃時植記三卷靜惕堂集四十四卷詞一卷尺牘一卷周亮工字元亮祥符籍金谿人崇禎十三年庚辰進士官御史順治年官戶部右侍郎著有讀畫錄四卷印人傳字觸書影藏弄集結鄰集賴古堂集四卷張學曾字爾唯山陰人崇禎□年□□副貢官中書順治年官蘇州知府山水與董玄宰李檀園相匹而流傳更夥訪十餘年迄未有得留此小牘亦足自豪魏象樞字環極蔚州人順治三年丙戌進士官刑部尚書諡敏果吾鄉陸清獻公卽為公所疏薦著有儒宗錄知言錄庸齋詩文集六卷沈荃字貞蕤青浦人順治九年壬辰探花官

詹事加禮部侍郎銜謚文恪三品得謚自公始清正
廉勤上眷優渥書名動天下自鍾王以迄蘇蔡皆得
神髓一時得公書者以為榮著有充齋集笥重光字
在莘丹徒籍句容人順治九年壬辰進士官御史因
叅明珠去官有謂其隱四川漢龍山自稱繡髮真人
著有書篋畫筌二卷文法一卷重光詩文集二十卷
查培繼字玉望海鹽人順治九年壬辰進士由東莞
知縣內遷給事中歷官江西按察副使告歸後購百
可園為別業是園為明鄭端簡公讀書處後為徐忠
愍公所得也著有王海堂集又輯詞學全書十四卷
劉體仁字公勇頴川人順治十二年乙未進士官吏
部郎中著有七頌堂識小錄一卷七頌堂集十四卷
嚴沆字子簋餘杭人順治十二年乙未進士官倉場
侍郎已未詔舉鴻博科朱彝尊方象瑛魏禧皆為所
薦舉著有顥亭奏疏三卷北行日錄二卷皋園詩文
集四卷汪琬字茗文長洲人順治十二年乙未進士
由戶部主事舉康熙己未鴻博官順治十二年乙未
稿一百十八卷堯峰文鈔四十卷嚴贖署款模糊汪
贖并未署款均以原表中有標題方信為兩公手蹟
秦松齡字留仙無錫人順治十二年乙未進士由檢
討舉康熙己未鴻博官諭德著有毛詩日箋六卷蒼
峴山人文集六卷詩集五卷徵雲詞二卷王士禛字

子底新城人順治十二年乙未進士官吏部員外郎
著有讀史蒙拾然脂集表餘堂詩存十笏山房辛甲
上浮等集王士禎字貽上新城人士祿弟順治十五
年戊戌進士官刑部尚書謚文簡著有帶經堂詩文
集九十二卷合其他撰述統名漁洋山人著述三十
八種彭璿字雲客長洲人順治十六年己亥進士官
長甯知縣著有孝經纂註抽簪雜詠山居抱子詩彭
孫遜字駿孫海鹽人順治十六年己亥進士官主事
舉康熙己未鴻博第一入官吏部右侍郎著有松桂
堂詩文集三十七卷南莊集三卷延露詞三卷周斯
盛字岷公鄞人順治十八年辛丑進士官卽墨知縣
著有證山堂集田雯字綸霞德州人康熙三年甲辰
進士己未薦試鴻博官貴州巡撫戶部左侍郎著有
長河志籍攷十卷黔書二卷年譜一卷古懽堂詩集
十一卷文集二十二卷又輯歷代詩選十二卷歷代
文選二十卷李迥字奉倩壽光人康熙三年甲辰進
士官刑部侍郎沈靜緘默不遑名譽藏出其手雖九
死必獲一生人以行善稱之見山東通志曹貞吉字
升六安邳人康熙三年甲辰進士官禮部員外郎與
弟申吉齊名著有朝天集珂雪詞李鴻霑字季霖新
城人康熙三年甲辰進士官大學士以議事忤旨
第八子康熙九年庚戌進士官大學士以議事忤旨

罷歸至雍正己酉卒年八十有四徐乾學字原一崑山人顧炎武甥康熙九年庚戌探花官刑部尚書著有憺園文集三十六卷並輯一統志宋元通鑑讀禮通考等書高層雲字二鮑華亭人康熙十五年丙辰進士己未薦試鴻臚官太常寺少卿為給諫時遇事敢言議停江淮屯田事上下利賴工書善畫詩兼韓杜蘇三家之長竹垞江邨均相倡和著有改蟲齋集七卷朱彝尊字錫鬯秀水人康熙十八年己未舉鴻臚官檢討博學好古罷歸後專事典籍自經史子集及金石碑版下至蟲魚草木無不一詳纂時主東南壇坫數十年至今學詩文者羣推宗匠書法二王兼工隸篆著有經義攷三百卷韻粹一百七卷孔子孟子弟子攷三卷濂洲道古錄十四卷日下舊聞四十二卷曝書亭集八十卷靜志居詩話二十四卷又輯明詩綜一百卷詞綜三十六卷尚有吉金貞石志曝書亭著錄禾錄各若干卷未刊行聞禾錄稿本今存於南昌某氏云李長年字武曾秀水人監生康熙己未薦試鴻臚與竹垞太史同時同里世人稱為朱李著有秋錦山房詩集十卷文集十卷詞二卷尺牘二卷王宏撰字山史華陰人康熙己未薦試鴻臚著有周易筮述八卷砥齋詩文集王撰字異公太倉人時敏第三子監生工詩善畫克承家學著有三餘集

此札內籤係吳免牀先生所題云疑非山史或為婁東王撰而原題則云華陰王宏撰茲姑兩存以俟博雅者審定王翬字石谷常熟一時公卿題贈殆徧輯沈石田上嘗奉詔繪南巡圖一時公卿題贈殆徧輯成清暉贈言十二卷著有清暉堂集徐真木字士白嘉興人書詩鐵筆世稱三絕著有懷古堂集宋犖高兆均見詩翰冊

清名人尺牘彙裝下冊

紙本不等

凡三十六幀

高低闊狹

蔡升元楊瑄查昇楷書合一通

五月十三日 皇上發下 佩文齋詠物詩選樣本六冊

命弟等查閱具見 老先生校對苦心且紙板精工甚

合 聖意但弟等向日選錄時尚有公同商議之語 老

先生所未悉者今開明數則奉 覽具列於後 一是選

原取字句芳潤者仰供 皇上宸翰揮灑 頒賜臣工故

凡愁字悲字之類概行避却但古人詩中此等字樣甚多若一切刪而不錄則可採者少故抄錄時遇此等字樣若意義可通者從權改一兩字如第三冊唐顏粲白露為霜詩首句云悲秋將歲晚曰避悲字故改感字如此者頗多今已 奏明奉 旨古人詩仍照原本不必更改俟臨寫時再行斟酌以後此等字樣槩行票出可也 一凡古人之詩原有各本不同者故一作某字一作某字皆載入註內今所纂詠物詩皆照舊本錄出其中錯字雖多但亦有坊本互異者似不宜專據一種刻本為準如第三冊梁張率詠霜詩有朝霜白綬綬之句查唐類函所載則用朝字今票云朝字係申字以意義揆之朝字易解申字難解不

如仍用朝字為妥又第四冊徐陵詠春詩何殊九芝蓋今
票芝字係枝字但從無九枝蓋之說似宜仍用芝字又第
四冊程曉伏日詩搖扇臂中疼今票臂字係髀字查正字
通云髀股本也故漢文帝有拊髀之歎豈有搖扇而髀痛
者乎即舊本有此等字樣亦宜改正如此之類尚煩留意
一抄錄詩選時原據唐類函詩雋類函唐詩類苑等書
錄出其題目有各本不同者如任昉古意一詩古詩紀註
云一作游俠英華作樂府則古人原無一之之本今題目
中若大指不失似不必再行增刪又全首詩或刪去兩句
四句者皆據詩雋原本并祈查酌 一古人之詩有一首
詩今載兩人名下者如古詩紀所載梁元帝詠風詩題下

註云英華作沈約藝文及初學記作元帝如此者甚多難以臆斷 弟蔡升元楊瑄查昇等頓首仝具 巽亭老先生清覽

查昇楷書行書各一通

都門侍 教之日忝竊 恩光深踰骨肉忽焉賦別如失怙恃豈特黯然神傷已哉昨得途次 手示頒發舍親書極蒙 關注計日 行旌早得抵里想 孝履一路安和也茲有懇者舍親張諱安國新補江寧別駕屬之下江為延陵所轄特布羽言懇 老先生推烏鼎致得邀格外噓植則拜 賜無涯舍親自不敢忘報也肅此稟懇不既依馳 戴西老一字晤時希致 弟昇拜具 印一海寧查昇

之章

白文藍方印

引首芸香

藍文橢圓印

屢承 年長兄厚情非不欲作一日快叙奈北行期迫實
不能再留刻閒承 呂父母賜顧舟中繼繼而別而 江
邨先生已憇愚即行連夜解維不及面 謝此中抱疚如
何可言在 知己或能諒之於形外耳俟 台駕到京尚
容荆請諸唯 鑒亮臨穎悚仄 年弟查昇頓首 冲
南疑年長兄如一 初一日二鼓留字
仇兆鰲楷書一通

前者重擾 郇厨復荷 寵施深喜 高賢之不我棄也
中心藏之何日忘之拜別以後奔走山左正值溽暑遐思
老年臺官舍清閒起居自適縱有炎威不能侵 仙吏

之几席也羨羨六月初始抵靈署奉 囑卽為道及已有
絲蘿之訂容俟另圖以報 知己便鴻附 候愧無絳緘
伏惟 俯鑒是荷 公藻兄乞 叱致 名正具 左脊
年家眷弟仇兆鰲拜 印一兆鰲白文方印
惠周惕行楷一通

敝房師孟先生名憲孔系出山左著籍宣府保安衛其人
三代以上君子也通判松江遠近皆知其廉 河使者特
疏薦之竟乞身歸去素與 大司寇同学暫來京師聞口
北道孔公 老先生親故欲乞一 手書非有所瀆但令
孔公知有其人不至有意外之擾則拜 明惠多矣幸
垂照之 晚惕再頓首

姜宸英行書二通

晤聚兼旬談心論文頗出世俗常情之外一經今袂又入
塵氛碌碌奔馳自覺可憎一念前遊不禁神往 兩先生
左右也茲有小事專力來津一字寄當事誼所難辭亦理
所宜行惟 兩先生便中周旋之非從前故作偽書者比
也 種瓜翁賜張公之函已寄里門謝謝 錢札于下車
之次日即投之不知有回音否 任坦老亦囑致 候前
帛如画出即 付之去人承 委之帛到來竟無晷暇容
另日呈醜可也憑穎馳企 名另具單 後幅 年家眷
弟期姜宸英拜 手函

駕過行未獲郊門一送殊惘惘也到藕想必至崑會 令

弟年翁而歸幸為

弟

一致

謝小兒名嗣洙在

健翁齋

下帷家報煩面付之倘不至崑則付月城汪店可也見
健翁并乞道意不盡 顧老道長兄先生 小弟宸英

頓首

汪繹行楷一通

日前揚孫到舍口錄 尊作梅花詩十首聽之不勝清音
洗耳也近有賤恙羈身未及趨連乞錄佳章過舍一談是
荷 畏之先生 前 弟汪繹頓首

查嗣璉行書二通

仲春五日接讀元宵前 手教知馬蹄又走長安 執事
戚誼真摯存歿之語愴然動人益促我東歸之念矣辱

諭援例二生黔例已於去冬停止目下藩司彙冊已成概
不收納惟埃鎮遠府冊報到日即當達部 來教乃出後
時不能奉行矣奈何奈何即 右朝見托加納事亦坐是
無可復商近亦寄書報之 執事試問之子穎豹臣兩公
知愚言之不謬耳冗中泐復惟祈 鑒諒臨楮神馳 亮

工表牀至誼

期同學姪璉頓首

印一

夏重

朱文方印

初聞吾 弟入泮之信憂喜交半正虛空中樓閣架構萬
難及而僕來黔細悉顛末添豕鬣結念 弟甫離怙恃甘
苦未諳□□迫切遠行不及待 汝成立每一憶此輒用
疚心吾曹基業淺薄每事湏踏實地功名一途正當讀書
俟命時至事起徐相機宜居巢人好奇計七十乃自見耳

急而強為之徒費心力先疇數十畝以供餬口今弟受
今之產過半已屬他人恐便有饑寒之患奈何奈何然貧
乃士之常古人類有立錫無地奮發自振者惟顏因此益
加激勵刻苦讀書即就制闈之業猛圖寸進勿馳騖於聲
華勿因循於歲月痛自繩削庶望有成以慰先靈於地
下此真嘔血瀝膽之語弟天性純良必聞之而心動也
去冬曾從楊語可處會付文銀二十兩少為吾弟補
苴罅漏此時想已收明乃兄心雖無窮而力則有限知能
體悉區區耳庚姪已為納盟可令多讀程墨遇文期與聞
題分做弟以牀父之尊力相督率勿共荒於嬉切切
二兄來信有三月赴江右之語故不作字所托納盟三姓

因來人到遲貴州事例已停不及代為料理有來問者可
以此復之 期兄璉白

何焯行楷二通

弟自回都之後迄今數載不堪之況難以筆盡 老世兄
素承閔切諒必 洞悉也近有不得已之事勉趨 海大
老弟盤費告假南來緣屆隆冬途次受寒前抵維揚抱病
旅邸不能到蘓時屆歲終窮途困苦艱窘異常回思 今
先尊存日交情最篤向有五十金三十金兩項其五十金
一項弟已收清其三十金一項未經歸結茲遣孫進專叩
伏祈 老世兄推念昔日交好今值阮途空乏 慨賜周
急拜 德匪淺啓 齒奉瀆自滋慙媿幸諒苦情格外 鑒

原鵠候好音望切望切 弟名丹肅 左慎 印一何焯之

印朱文
方印

昔為良朋今成姻好雖係天緣實蒙不棄但弟自揣寒門

仰攀 閱閱過今之舉殊切愧悚耳前 駕榮選入都失

于趨送迄今抱歉恭維 老長兄親家長才偉畧乏膺善

地竚聽 好音以伸燕賀啟者 舍舅 呂泰階兄向託家兄

轉煩 宇明令兄由駝例捐納教諭列名第一原期即選

不料遲遲至今尚無佳耗敢希 老長兄親家于部中代

為一查選期的于何時如可生法早得即有所費亦在不

惜倘選期尚遠現今運米例內有減半加捐一條以 泰

兄而加捐或須駝三隻或須米二石乞与 宇老相商擇

其善者一面代為遞呈一面飛 賜一札措物會進决不
有悞因事闕至戚不避冒 瀆伏念 老長兄親家氣誼
如雲應不吝此玉成也順侯 崇禧諸惟 丙照臨楮曷
勝馳溯 弟名正肅 慶裕 印一 何焯之印 朱文方印

王澍行書一通

別來半載許想企無日不勤每過 墨壘先生寓齋便闖
然想吾 兄輒以不得見為悵悵也袁陽山水佳麗足以
助發胸中丘壑想 畫筆必當更上何時 惠我尺素以
當面語耶想想 弟 凡百如常與別時毫無加損惟覺鬚髮
增白耳餘無足為 知己告者兒子頗精爽知 闕注特
附聞率此不一 澍 弟 頓首 蕉引先生 十一月廿六

日

翁方綱行楷二通

弟因署幕乏人愈形忙冗所以件件荒廢竟無開卷之暇
謹錄三月一ヶ月之詩呈 批定亦欲下半年一刪舊詩
抄之而大費手奈何粵東金石略十二弓亦要付梓而寫
字一事寢興以之實無功夫奈何似必須從大小篆八分
得手然後有定見也近已能用弱筆學懸腕尊製散卓乞
幾枝不一不一 蔣翁七兄宮相同年閣下 愚弟方綱
頓首 四月二日 印二 覃溪 朱文翰墨緣 白文 右壓角
石州 朱文長 方印 印一

大興翁先生視廣東學凡八年所輯金石略十二卷

隆三十六年辛卯冬自序云於受代之頃鋟諸板是時
年三十九此與錢坤一侍郎札云粵東金石略十二弓
亦要付梓正是年之筆 舛未張廷濟印二張未未文

方廷濟印

敬候 伯生老先生陞禧前承 移立永興廟堂碑此刻
同人皆讚誦題詠求用淨細紙淡墨精拓多寄一二十付
以便傳頌并拙詩石旁小字亦求多拓惠寄至懇至懇

九月廿日方綱頓首 秦篆拓本 天冠山書拓本二種
奉 鑒

錢大昕行書一通

秋涼漸屆想 賢喬梓動定勝常為慰 弟 近日俗冗纏繞

寶無少暇所 諭雖留意然未有的當之憂未敢冒昧

聽濤少宰使浙便道過家何不煩其為順風之呼耶率

復不備 思魯大兄先生 覽 弟大昕頓首 七月五

日 習之世兄均此

左壓角
印一

東壁圖書

白文
方印

王文治行楷二通

花農二兄親家閣下 久欲奉書左右因 國制賤色與

新親未宜歉仄久之茲奉 朶雲欣慰無此想 近履佳

安 闔潭廸吉定荷心頌承示焦山六首命意既新押韻

更穩而神吻俱有唐人洵為佳作 治嘗謂近人作詩不能

於天王華屋得門而入故遁而至於斷港絕潢逾難逾遠

今吾 兄真得門而入矣由此如堂之寶璧如順水行舟

豈有不至者哉 來札云有屏幅見委既經大雅斟酌唯
命是從今寄 上桃花夫人碑二紙本欲裝潢不及待又
扇一柄聊助春風內子及三弟婦輩均附筆請 親母大
人淋安暨 闔潭嘉祉臨池馳溯不戢 王文治頓首

十一日

自訂金蘭愛逾骨肉五中銘勒莫可名言昨以瑣務奉求
鼎言重承 至愛視同己事 治以匆匆渡江雖詣 府

叩謝而未獲面申私悃至今耿耿也茲接揚信知一切俱
極妥洽皆吾 三哥之賜也率此布謝 治一二日即赴杭
俟歸時再行走候耳此上 奎翁三哥閣下 愚弟王文
治頓首 大令兄均此致候

馮應榴行書二通

日前承 顧寒廬匆匆未及款留為歉頃在杭接 手示

知吾 弟又染外症目下想已全愈矣荷 惠雅硯謝謝

弟愧學不能稱耳 兄閒來武林月望之後當返禾也匆匆

復請 大伯安及 弟以次迓祉不一 禮堂賢弟 兄

榴頓首 十一月初九日

除夕接展 來函知吾 弟有報捐泛九之喜具此才華

即下吏亦可邀上游之刮目所籌極是惟是捐至今發費

亦孔多不知作何部署來信欲 兄代為說項但家居已久

嬾性更成即饒舌亦恐無益今乘武林仇壻公車之便札

佈 魏春松太守內亦兼及吾 弟或俟其公餘一謁之

餘皆無迭進言也 岑碧相覈已久賓主素洽終頃仗其
俛助吾 弟當自懇之兄則不便以疎閒親也 天衢弟
未知已過邗江北上否伊前索兄書信為榜後作幕地步
亦無可為揄揚之地殊切歉衷如有家書可代致之勿
勿佈賀 新禧 貴東不及另啓乞為候安餘不一 禮
堂吾弟 兄應榴頓首

馮集梧行書一通

黃家壽詩用蠟箋寫之有客至竟倒了一字又落了一字
然另寫又無蠟箋只得用松箋另寫送之而寫錯之一張
無可他用因亦書款送吾 弟可致 黃五兄兩宅可不
嫌兩幅也秀才人情可發一咲也 禮堂老弟日祉 愚

兄制集梧顛首

李賡芸行書一通

前奉還雲久未布覆為歉比想大兄先生履候勝常
著作繇富為頌先師錢少詹所校唐書皆已刻入攷
異別無它本弟自有校正三四條但非稱志今錄呈教
并乞送 懽餘太翁一觀端此奉覆即候 文佳並璧
門人 尊謙不既 小鶴大兄先生 學弟李賡芸頓
首 白露後二日

顏光表行楷一通

自十一月初四日寄一字託翁宅人去後十二月十一忽
遭繼室之變相聚多年病只六日而歿傷痛之餘亦知氣

數但有年人更不堪經歷此事 聖臣來垂弔為之鮮慰
彼事亦竭力為之不知將來如何猶記 老弟常云人生
快意事難得真 達者之言甚為欽服今有 翁渭老乃
姪之便特此附 侯 翁姪之先尊與 兄 同盟莫逆不啻
同胞其子幼而無父皆 渭老撫養婚配 兄 亦以猶子待
之其品格氣概卓然不羣倘來奉 謁望乞 進而教之
兄 原擬明春進都興 老弟把臂披襟恐驅馳不便再俟
機緣路遐心邇無物可寄定做湖筆廿矢與 老弟握管
如親握手也 翁宅前寄去字不知曾入 覽否如未寄
到更乞問 翁宅查明心亂胸忙不及細述望寄 家音
以慰懸眸 兄表頓首 冲

奚岡行書二通

尊公大人挽言書成奉上不識用否望教我也 思翁畫

幀細閱之蕭澹欲絕乃此老合作宜急購之前次蒼卒一

觀未玩其味耳 岡頓首啓 慈栢二兄大孝足下 壓左

一角印 冬華盦 白文方印

駕臨失迓為罪尺牘以多為勝梅壑冊宜裝新冊之後 岡

不忍奪也乞轉致鄙言為是茲尚須假閱數日 委售明

人詩牋三幅前途實欲銀一兩二錢有合 雅意否 使

旋藉此族安不具 慈栢二兄先生足下 岡弟頓首

印一 冬華盦 白文方印

趙秉淵行書一通

前日奉懇代為挪移之事不知 四哥大人曾商辦否祈
示知以便遵行今早吏部議覈奉二件奉 旨楊廷樺
照部議降調臺灣道員缺着李浚原補授其漳州府員缺
朱芑會調補欽此又甘肅鎮迪道保年亦已降調係外調
之缺是以未放人也專此佈候 日安不一 世愚弟趙
秉淵頓首

袁通行楷一通

承 留問并畫扇均收到轉付昇日渠等自趨謝也 弟今
午即行少頃詣別面話一切艸此復上 七香仁兄大人
執事 弟通頓首

錢泳行楷一通

月前奉書諒已早登 鏡記敬惟 四兄大人台候萬福

定荷心頌聞清江水漲湯工又多一番整頓未知日下如

何亦念亦念

弟

閉門養拙自春入夏秋俱叨 庇安善茲

於月望前擬一至邗上覓便再當作書致候也敬相好

陳曼生

雲伯

萬澣筠聞俱在淮上現住何處希 示

知以便作札往矣

弟

有京信要件一函務求 四兄大人

覓妥寄京感感瑣事煩瀆殊不自諒耳專泐謹請 近禧

伏惟

垂鑒不宣

姻愚弟錢泳頓首

成親王等行楷一通

弟永璉永琰永璘

謹請

六兄近安

弟

等侍泛啓行密

雲遙亭雨頗頗為淖淖

輜輿一日渡水七八次關外道

路稍可到熱河後始快晴迹日 行在無事承 詢詳覆

理弟頓首

錢昌齡行楷一通

月朔匆匆起身未及走辭二十四日抵西江 芸臺夫子

處已將 尊意致及 弟 又諄託胡觀察留心館地或有書

院可就即寄信奉邀厭原彭蠡不可不遊也邵節母傳已

照 所改寫之矣梓翁行述聞已 閱定 鄙 意論經不甚

精當或并此去之論詩尚可增否交遊之宜叙者總以簡

為妙耳明日即行草此布覆順請 近安不盡 小崔先

生我師 弟昌齡頓首 八月廿五日

陳用光行楷一通

柳東先生足下

用光

行矣十二日出武林門十六日至吳

門小駐五日廿二日解維今在無錫舟次乃得暇料理文

債茲先以

大作孫文靖神衙碑奉繳文靖與

用光

亦交

好然欲作一文以抒慕仰之懷乃至今未能脫稿以此見

老而作文之難

大著甚妥適畧以

郵見

刪潤數句未必

當也天一閣書日記鄭氏書日記要當於舟中了此願晤

其後人望為致此意今日可至常州因作杭郡書艸艸畧

報一切何時握袂馳想之餘惟

努力文字珍衛眠食為

望

用光

頓首

孫爾準行楷一通

昨承臨唁銘勑在心因持服未及走

謝啓者

家

姑丈

華謙齋

名

光相今年八十八歲前以諸生挑取臚錄議叙

選授福建

□岫埕場鹽大使調縣福清摠場引疾復補蓮

河場因

準

迴避還里茲刻其生平所為詩先寄到一葉囑

為作叙

準

日來人琴之痛心氣菸傷不能營度為文特求

代製并其簡端容日面謝此問

日佳不一 柳東太

史文席

期尔準

頓首

何浚漢行書一通

兩荷

手書具紉

存注并

惠到石刻各種及

所著

金石綜例拜領之下感謝無涯就諗

稽古之餘定饒清

福獨抱遺經實事求是於以迪牖後學俾有志者尙知窮

經厥功甚鉅明賀文正自謂通顯以來唯於廣文任內自

信克盡厥職以古方今徇為無媿矣 屬製叙言勉為應
命荒落之胸辭旨弇薄尚希 是正為禱武鄉試錄科
已畢明日即出棚按試金衢一帶賤軀尚耐勞足慰 廩
念即候 大兄先生時綏匆匆不具 同館弟何淩漢頓
首 天一閣楹語已寄去矣 閏月晦日

黃安瀾行書一通

小眉仁兄親家大人閣下 忝來捧讀 手翰深荷 注
存并蒙見 惠多珍殊副病後清饑領謝領謝今夏入秋
時氣涼熱不正病者十室而九 尊候知已勝常 令嗣
亦夏佳善為慰至魏塘 來遊俟弟作信通達再望 命
駕緣恐出門不相值也弟體氣疲曳搃未復元早欲為武

林之行以是尚濡滯子未詣 府未獲同往為悵耳草草
藉 使布覆即候 近安暨 潭祺咸吉兼鳴謝臆統希
澄照不宣 姍愚弟制黃安濤叩啓 文漁兄 代候
吟安為望

馮登府行書二通

臈月送竈日始得奉仲冬杪 手書領悉吾 兄舊症夏
發已得痊好趨藥所苦想靜養逾時自可復元惟宜少擯
一切學頭陀蕉團法春氣方動 起居尤宜珍攝為祝垞
中修垣種樹極是老竹何幸得吾輩如此護持耶松丈卷
一時不能脫手又無的便可寄且並此待價然至多不過
二十元尚須謀之來甬之說亦未定下榻主人 弟無不竭

力耳冷署無事擁爐點坐時念年時當此風鑿雪酷飢馭
辛苦今幸慙息勞肩又無逋責

此句不實

覺此中太平惟海角

無友朋之樂念及小園梅蕾垂垂不得招諸同人瓦盆一
醉則又恨然矣近日有一門生送東陽盆梅四本已將試
花此殘年樂事附聞一咲此請 和六兄大人年祺不
盡 登府頓首 今年此閒苦寒作此書尙呵凍為之未
知家鄉若何

和未六兄大人執事燕九日所 惠手函頃已捧到備悉

貴體早臻康健喜慰無似承 摘疵文集如發瞽矇具

徵 相愛之切當一一改正

弟

之所著金石綜例四卷徐

辛庵同年已刊之嶺南此種自問大約可傳惜梨本尙未

寄到遲當奉 政耳入春來省道更替迎送為勞現值學
使案臨當有二十日辛苦未知所得何如幸賤軀尚健悶
署俱安可告 錦注五十攬揆此閒屏謝并自壽無詩自
念頭顱忽忽逾此前塵昔夢思之黯然嗣後不知更歷多
少寒暑倘稍鳩買山賞歸老小園抱孫奉母是所願耳猥
蒙 厚貺慚感交并謝謝新年苦寒齟舂梅蕊未知已放
幾今范吾山忽被劾宦途之險亦吾里地氣之薄想已聞
耶 松翁卷當於仲春寄歸前云之數想未能脫手也專
此夏請 年禧不盡 弟登府頓首 正月晦日

按蔡升元字方麓德清人康熙二十一年壬戌狀元
官禮部尚書楊瑄字玉符華亭人康熙十五年丙辰
進士官內閣學士查昇字仲韋海甯人嗣與子康熙
二十七年戊辰進士官少詹事與堂姪慎行同值清

秘而年稍次時有小查老查之稱工書法石刻有孝
經蘭亭攷山居篇感應篇等行世著有鄂渚紀事一
卷扈從南巡五瑞詩一卷塞北紀恩賦姓氏譜澹遠
堂尺牘靜學齋詩集仇兆鰲字滄柱鄆人黃宗義弟
子康熙二十四年乙丑進士官吏部左侍郎著有四
書講義杜詩詳註二十五卷惠周惕字元龍吳人徐
枋弟子康熙已未薦鴻博未與試三十年辛未進士
官密雲知縣著有易傳詩說春秋三禮問陽山草堂
集硯谿集姜宸英字湛園慈谿人康熙已未薦鴻博
未與試三十六年丁丑探花時年已七十官編修已
卯與李蟠同典順天試為蟠牽累卒於獄公論冤之
著有江防總論海防總論湛園未定稿六卷葦閒詩
集八卷汪繹字玉輪常熟人康熙三十九年庚辰狀
元官脩撰乙酉奉命編校唐詩於揚州次年事竣而
卒年僅四十著有秋影樓詩集九卷其同年老門生
查慎行序而刊行之查嗣璉更名慎行字夏重海甯
人遺子康熙四十二年癸未欽賜進士官編脩著有
周易玩辭集解十卷易象考信經史正誥江西通志
一百七十卷廬山志八卷廬山紀游一卷鷲湖書院
志三卷人海記四卷陪獵筆記三卷乙酉日記一卷
黔中風土記初白外書六十卷得樹樓雜抄二十卷
補註蘇詩五十二卷敬業堂詩集五十六卷文集四

卷初白菴詩評三卷尺牘一卷又輯明詩類選十冊
何焯字岷瞻崇明人康熙四十二年癸未欽賜進士
官編脩卒後賜侍講學士博覽羣籍長於攷訂又善
真行書時與汪士鋐並稱著有道古錄讀書記五十
八卷義門先生詩文小集一卷生平專事註校無多
撰述此集係大興翁氏所度長白英和為刊而行之
王澐字若林金壇人居無錫康熙五十一年壬辰進
士由編脩官戶科給事中以言事改吏部員外郎著
有禹貢譜二卷學庸本義各一卷學庸困勉錄各一
卷朱子讀書法白鹿洞條規二十卷竹雲題跋虛舟
題跋又有淳化閣帖攷正十二卷二十種蘭亭十二
種干文積書巖帖六十冊蓋集書家之大成也翁方
綱字正三大興人乾隆十七年壬申進士官內閣學
士左遷鴻臚寺卿精心汲古宏覽多聞詩文以外尤
精金石之學一經藻鑑立剖毫芒收藏家咸奉為正
軌著有經義攷補正十二卷蘇齋題跋二卷復初齋詩文集
粵東金石略十二卷蘇齋題跋二卷復初齋詩文集
一百五卷錢大昕字曉徵嘉定人乾隆十九年甲戌
進士官少詹事著有廿二史攷異一百卷通鑑註辨
證三卷補元史藝文志四卷元史攷異一百卷通鑑註辨
朔閏攷三卷三史拾遺五卷諸史拾遺五卷疑年錄
四卷金石文跋尾二十五卷潛研堂金石目八卷十

駕齋養新錄二十三卷先德錄四卷吳興舊德錄六
卷恆言錄六卷竹汀日記鈔三卷三統術衍三卷潛
研堂詩文集七十卷王文治字禹卿丹徒人乾隆二
十五年庚辰探花官臨安知府書法秀逸天成得董
華亭神髓與錢塘梁學士齊名世稱梁王又善畫梅
石韻致翫然詩亦得唐人遺意著有夢樓詩集二十
四卷馮應榴字詒曾桐鄉人浩子乾隆二十六年辛
巳進士官江西布政使降調至鴻臚寺卿著有樊川
詩註踵息居士詩文集馮集梧字軒圃桐鄉人應榴
弟乾隆四十六年辛丑進士官編脩著有蘇詩合註
五十卷高青邱集箋註十八卷貯雲居詩文集李賡
芸字書田嘉定人乾隆五十五年庚戌進士官福建
布政使留任平湖令善政不可枚舉迄今吾鄉人談
李公者雖婦孺咸知之著有稻香吟館詩稿與其他
經史子集合刊為炳燭編有二十二種顏光表字斗
涵曲阜人復聖後裔奚岡字鐵生黔縣籍錢塘人布
衣性耿介閉門自修詩書畫稱三絕尤工篆刻與丁
敬黃易蔣仁相摺為杭郡四大家書畫則與方薰齊
名世稱方奚游藝家罕與其匹著有冬華盦詩集趙
秉淵字少鈍上海人文哲子以難蔭改補中書官成
都知府著有卯君初稿小斜川叢稿袁通字南錢
塘人枚子貢生官汝陽知縣錢泳字有銓金匱人寓

常熟著有述德編一百卷履園叢話二十四卷金石
目六卷梅花谿詩十卷蘭林集八卷永理為高宗十
一子成親王諡曰哲工詩又精書法片紙隻字至今
奉為瑰寶為歷來天潢中之僅見者著有詒晉齋集
九卷隨筆一卷此札為成王親筆固無疑義而連屬
署名者共有三人其次即仁宗睿皇帝為高宗十五
子著有味餘書室詩集三十四卷文集六卷隨筆二
卷永璘為高宗十七子慶親王諡曰僖其致與六兄
者名永瑤為高宗第六子質親王諡曰莊時諸弟隨
高宗北巡而質王留京故作此以報平安也錢昌齡
字實甫以字行秀水人載孫嘉慶四年己未進士官
湖南布政使著有恬齋詩文稿陳用光字碩士新城
人嘉慶六年辛酉進士官禮部左侍郎著有太乙舟
文集八卷孫爾準字平叔金匱人嘉慶十年乙丑進
士官閩浙總督諡文靖著有泰雲堂詩集十八卷文
集二卷詞二卷何凌漢字雲門道州人紹基之父嘉
慶十年乙丑探花官戶部尚書諡文安品端學粹以
文章道德繫中外望通籍四十年未嘗一干吏議知
遇之隆歷來罕見書法尤為海內所重著有雲腴山
房集黃安濤字凝與嘉善人嘉慶十四年己巳傳臚
官潮州知府著有詩娛室集二十四卷息耕草堂集
十八卷真有益齋文編十卷慰託集十六卷綠箋詞

鈔二卷續昭代詞選若干卷馮登府字雲伯嘉興人
嘉慶二十五年庚辰進士以庶吉士官將樂知縣改
甯波教授著有三家詩異文疏證十卷論語異文攷
證十卷十三經詁答問十卷福建鹽法志三十卷閩
中金石志十四卷金石綜例六卷玉臺書史補六卷
小謫仙館摭言十卷拜竹詩龕詩存十二卷石經閣
文集八卷勺園詩話二卷種芝仙館詞五卷輯有浙
西六家詞十卷梅里詞輯八卷又輯梅里詩人之無
後者為清
芬集八卷

當湖先哲尺牘彙冊

紙本

凡二十四幀

高低闊狹不

韓弼行書一通

窮愁經歲忽得

故人傾倒枯腸欲生恨匆匆束裝不獲

數對

芝眉

姜老大人書領送迂踈之質謬當 玄

賞不啻餘溝斷以青黃愧謝愧謝一瓊寮落俛仰因人

仁兄何以教我明日行矣不煩 垂念異時 使星南下

借雲龍片石一醉長河望之望之 小弟弼頓首

收傳印記肅庭所藏

朱文方印

陸光祚行楷二通

客中承 親家佳醪珍品木炭之惠感不可勝炭尤禦寒
所急京中徧覓絕無堪用者得之甚為受用快適可多多
致謝寄來糕糖山藥俱收訖言者乃昔年所犯少年之黨
乘部中問擬籍沒犯人連疏不下遂揣 上意不悅因進
讒語冀以動疑詎意 聖明傳諭謬褒言吾做郎中時事
真意念之所不及也然吾衰病難支只得再延兩月以答
聖眷三月間必決意出京此初意也緣新奉 溫旨反
遲旬月耳基忠已到欲其就選不復秋試父母俱老不能

待也汝欲入京賀年徒費寸陰不若時寄所業之文為慰也外二疏稿寄汝一覽 臘月廿二日字寄孫錫恩收目汝座主蕭胡二公惓惓動問可通候否

收傳印記肅庭心賞

朱文方印

寄來酒炭杏仁栗俱收訖入京勞甚又刑曹事繁衰軀何以勝之明春二月初旬汝若得攜家室而南甚善若交四月舟路喧熱且一到家秋間又當收拾北上往來暴暴且又妨工若親家官署之中間靜可以用功不虛度日月不若且留易州以俟會試之為便也宜熟計之寄來文字諸句新而健不落俗套但少意味理趣亦欠圓活詞亦不甚典贍須要為千家之貨無往不利斯善之善也歲底或

新春再寄數篇來看外奉 親家書儀可親致及道感謝
之意忙倦不悉 十月廿三日燈下字付孫錫恩

收傳印記肅庭珍秘

白文長方印

馮元鑑行書一通

前所懇 先生代作 沈仁舉壽詩未知揮就否今日雨
天無事芸窓之下正幽人搦管時也萬祈 先生勿吝珠
玉感何如之 天翁先生大人 社晚制鑑

印一

玉池

朱文

長方印

陸懋功行楷一通

武林晤對

台顏深慰饑渴

弟

于是晚即出關矣蒙遣

尊役隨認行止足切篤摯之誼敢復拜

崇貺乎計

兄

臺以元魁鉅品小試廣文不獨庭內喜芝玉之芬抑且署中快英才之育教澤既遠鍛鍊愈精卯辰之役父子並奮可拭目俟也 新父母豈弟近人人心喜悅同袍諸兄想不無得意者獨弟斤斤自守門以外止堪羅雀耳讀所

賜寧庠三約字字可程併接 台翰所云率其故吾動與時情相左以此覘 兄臺品格矣 袁白霽從無信來弟

曾附一信去未卜浮沉與否舍妹業已權厝煢煢穉甥苦無棲託日來依附姊氏為親人且體弱不能主喪諸親友光唁俱謝辭久矣承 垂念感感幼瞻侄孫歸棹已到京口河路擠塞有四十里不通舟者未知何日抵舍也晤時當致 尊教 原儀敬 璧內有新刻不敢發封于所

惠兩兒者披領 大教多矣肅此申 謝 鴈月廿日懋

功又頓首

印一

陸懋功印

白文迴文方印

陸從諭行書一通

□□□□人問 兄掣籤消息而 翰音適至蚤入署聞

太宰雖有 溫旨懇畱乃其去志已決未知究竟何如

選司縱有副郎必湏俟 太宰視事然後擬選 兄只得

寬心等待焦勞亦無益也

弟

覈報章本日者明蚤纔送到

止初一至初四本奉 鑒前云云實力不泛心 兄固

亮

弟然負歉多矣

□

老仁兄大人

小弟從諭頓首

倪長圩行書二通

歸已五日而碎務掣人又二三大連攢逼此旬一刻無開

眉時官威臨上逋誅圍旁一箇病老矜肘奈何未能一話
晤也得 手教以盒袱二付來者盒俱全淮安不減姑蘓
雖稍遠亦大足慕也率復未盡 仲翁老社兄大人存

小弟長圩頓首

即以 手教移示新郎郎來回云首飾乃賃郭賣婆者昨
午始來取去矣然則奈何事亦真也以弟口之喚郭媼來
賃之可也郭媼馮姓 仲翁老長兄大人 小弟長圩頓
首

馬廣輪廣幹廣軫行書合一通

老林教愛 輪等踰於骨肉必待 台命再至乃赴 華筵

則冒不恭於前而歌既醉於後且非所以答友生況敢以

之事 長者乎飲食教誨 老舛至誼固出雲天而輪等

擬少俟歡伯以奉 咲言亦非敢久拂 台意也知刺下

家舛相晤必為小子道悉鄙悰肅此再佈辭悃 尊啟

亦不敢當敬完以 謝 允翁老舛大人 台侍 小侄

輪軫軫全稽首謝

馬廣軫行書一通

侄軫 叨沐 至誼真如春風拂面秋月投懷而竟以心絲

百結不克稍展瞻戀回思昨歲月夕 二三長者從化城

注存小齋雖賁水削瓜幸得言咲劉歡而我 老舛適游

履初旋未獲訂邀 枉重為悵早承 手召忭躍不勝知

老杜委金炤席之句樂天香山滌繪之圖下視小齋何啻

霄谷也先此致其銘切 老林大人 史席 小姪廣幹
頓首

楊燦行楷一通

時屆清和想 老年翁琴堂遐祉必多增勝羨羨弟已承
乏臺末仰企 高明殊切請誨之思奈未能親承 玉屑
以當南車悵何如之茲因便羽附候 近禧並展寸忱

老年翁清望絕塵弟非敢以數行為邀惠計也幸 原之
不盡 弟名另肅 左脊 恭候 台禧 年家眷弟楊

燦拜

印一 楊燦之印

朱文方印

副啟儀單

陸榮行書一通

春雪困人惟有三花之樂不厭耳連日猶幸高朋踏雪而

接展 手函就稔 琢堂老賢阮旅祺懋吉寢餽咸宜可
勝欣慰吹苻館地一事非素相知契及有力之人不能動
聽若應牘書札聊以塞責豈松 所以待 足下乎現蒙
蒼溪老伯欸留此極妙機會切勿另萌他想致滋後悔禱
切禱切率泐布復言不盡意順候 逕安統惟 荃照不
備 堯松頓首 巧日冲

黃金臺楷書一通

芝房五兄先生足下十月初吉把晤城中得聆 塵教 甚
次日即至海上初十日回過平湖從榕屏處得 大作五
古一首敘城西酒樓之興曲折善達直逼杜韓欣喜無量
尊集捧誦再三或雄奇磊落或婉轉纏綿而邗江一集

尤為獨出冠時委譔弁語誼不敢辭茲已脫稿錄在卷端
但佛頭著糞實深惶愧尙祈 大雅裁政為幸初稿三卷
遵 命評點妄肆雌黃極知無當惟願 足下將全稿酌
選三四卷付諸梨棗傳播藝林定當不脛而走也跂予望
之率此佈悃并候 著安統希 垂鑒時辛亥十月二十四日 愚
弟黃金臺拜啓 印一 木雞老人 朱文方印

顧廣譽行楷一通

琢堂兄長大人尊前別復旬餘瞬逢佳節惟 興居萬福
著祺增勝為頌明年 絳帳之施大局已定否念念賴有
玉舂小雲昆仲在其閒諒能善為地步也近聞北春華
所延而席 曹芳墅兄去世今晨特到靜軒爰托伊為

芝房向前途一薦其成否不可必且先盡人事耳初五日
晚接芝房二日之札錄寄府平兩學觀風題來但問及
詩賦信到未而不及所作題之不符想緣心為境分故耶
茲有懇者敝徒文炳要做古學希將詩賦見命題目一
紙以便換期課作奉呈尊覽大加郢削是幸專泐布
悃順請台安愚妹壻期功顧廣譽頓首文炳暨
昇兒附筆請安七夕

張金鏞行楷一通

定甫九弟同年大人閣下自去春肅奉寸緘後夏秋碌
碌強半舟居未獲時時庸書千里心旌搖搖無已每依南
斗時時北鵠亦時以未得吾弟大人來書為悵昨拾邛

報中知近試御史未見吾弟大名未識曾否與試樞

直是否即可領袖尊藁詩文自必又添多許能陸續付

手民否鏞今歲以來竟無所作滬上晤伯韓觀管論詩極

洽曾偶作唱酬耳琴西乞病即返東甌未得一把臂

潤臣還歸道山尤可惋嘆梁未曾有書來極感吾弟

推獎之雅又作晨鐙韻二章亦未得報之也鏞歲除服闋

理應即日北上乃淡村中丞以禾郡捐事相屬云欲入告未知

果固辭不獲只可暫緩兩三月再商事煩人冗人各一心

事事皆難荆棘觸手悔前者之輕諾而此時則辭無可辭

俟略有章程即行告退俟裴想吾弟大人必以為然也

小兒憲和弋獲秋試偕計北行謁見時吾弟大人必一

切教替之無俟

鏞

之諄懇也專肅數行祇請

勛安並敬

閣第均祉不盡依滂

年小兄

金鏞頓首

新正七日

所存冊頁及衣箱一

大

書箱三望交

小兒

領去

小毛

短衿袍一件均繳

張炳堃行楷一通

鶴巢先生閣下別後忽逾兩月惟

近祺納福為頌頃奉

來字并杭木八兩極承

闕愛感甚上次所寄尚未用

罄此次所寄八兩擬用四兩其餘四兩俟

文駕回湖繳

價時一并面繳可也復頌 台安統希 惠照不具 小

弟張炳堃頓首 十一月十八日

按韓礪字汝良嘉靖二十六年丁未進士官江西提學副使令豐城時政多奇績陸光祚字與培莊簡公

光祖弟嘉靖三十八年己未進士官禮部郎中以言
事不屈出為陝西提學著有湛庵遺稿陸氏取直之
氣世世相承此札付與其孫名錫恩字伯承萬曆乙
未進士官刑部員外著有雙鳧草傳書堂集其子澄
原字嗣端登天啟乙丑進士官兵部員外郎首劾魏
忠賢者其原疏詳邑乘人爭誦之著有芝房集六卷
馮元鑑字三嵗萬曆二十八年庚子舉人官涪州知
州性高雅善詩文著有雙谿草堂詩集陸懋功字紀
常萬曆四十三年乙卯舉人官保甯知府陸從諭字
耳宣萬曆四十七年己未進士官工部員外郎倪長
圩字伯屏崇禎九年丙子解元連捷進士由嘉定知
縣轉兵部主事至蘇州推官甲申以後入山為僧著
有信古堂集馬廣翰字其旋天啟六年入邑庠馬廣
幹字飛生天啟七年入邑庠精究理學門人私謚端
敏先生著有四書讀四書提鉤一小齋集馬廣軫字
宿史崇禎五年入邑庠楊燦字葵齋康熙三年甲辰
進士官清豐知縣以清廉名擢御史告歸時竹垞先
生有詩送之見曝書亭集第十四卷陸萊字次友康
熙六年丁未進士由典籍舉已未鴻博一等十二名
官內閣學士平生和易簡坦居顯貴欲然不自足而
才思藻麗聖祖稱其詩文無出汝右者著有雅坪詩
稿四十卷文稿十卷歷朝賦格十五卷雅坪詞譜三

卷雅坪散錄若干卷又與脩唐類面三朝國史平定
方略會典一統志等書程學洙字杏鐸順治十三年
入邑庠康熙二十五年入邑庠以例貢授工部員外官
甯拙康熙二十五年入邑庠以例貢授工部員外官
陝西驛傳道時以梗直為年羹堯疏劾世宗仍令供
職尋陞京堂告歸卒年七十嘗校刻沈客子先生所
輯橋李詩繫竹垞太史稱為時賢所難朱為弼字右
甫嘉慶十年乙丑進士官漕運總督博綜淹貫工詩
文善書畫尤精於金石小學阮文達公元所譔鐘鼎
款識皆屬公審釋編定性至孝事重闈愛慕不異孺
子居官勤慎廉潔教子姪有家法鄉人士至今稱之
著有積古齋鐘鼎彝器款識續纂十卷伯右甫吉金
釋鉏經堂集古印譜若干卷某聲館詩集二十四卷
文集八卷雜著六卷陸堯松字蔭周嘉慶十六年辛
未進士官給事中立案朝侃侃不與時為俯仰卒後諫
草失傳士林痛惜黃金臺字鶴樓武康徐熊飛弟子
道光甲辰歲貢生博極羣書殫心著述而尤工駢儷
得徐庾風格著有左證二百三十一條史腋三十卷
木雞書屋文鈔三十卷詩鈔六卷左國閒吟一卷又
輯國朝七古詩鈔八卷七律詩鈔十卷顧廣譽字豫
甫咸豐元年舉孝廉方正辭未赴二年壬子優貢博
覽好古專精理學與方學博垞訂道義交於儒先疏

義及張陸各遺書博觀約取深造有得而尤萃力於
毛詩著有學詩詳說三十卷詩正詁五卷四禮權疑
八卷鄉黨圖考補正四卷悔過齋文集七卷續集七
卷劄記一卷國史列入儒林傳過張金鑄字良甫道光
二十一年辛丑進士官侍講詩文名震海內羈館職
十三年徹車羸馬而吟詠自若視學湖南時取士之
法為他省所矜式今此邦學子尙嘖嘖稱道不置惜
值母憂罷歸竟以孝殉具此才華不克大用人以為
憾著有躬厚堂詩集十四卷文集八卷絳跣山館詞
三卷張炳堃字鶴甫金鑄弟道光二十七年丁未進
士官湖北糧道好學工詩詞不讓於兄時
有雙丁二陸之目著有抱山樓詞稿六卷